



Conseyu de Gobiernu

- PAUTOS
- Uviéu, 16 de febreru de 2012



SUMARIU

Presidencia

- DECRETU pol que se regulen les condiciones de los elementos materiales que van emplegase nel procesu d'eleiciones a la Xunta Xeneral del Principáu qu'han celebrase'l día 25 de marzu de 2012.

Facienda y Sector Públicu

- PROYEUTU DE LLEI d'autorización d'adeudamientu pa la financiación de creitos de gastos de los Presupuestos Xenerales pa 2011 prorrogas pel exerciciu 2012. *
- DECRETU pol que se regula l'accesu a la Función Pública de l'Alministración del Principáu d'Asturies y la provisión de puestos de trabayu de les persones con discapacidá.

Economía y Emplegu

- PAUTU pol que s'autoriza la formalización d'un Protocolu ente l'Institutu Asturianu d'Estadística y la Universidá d'Uviéu (aición específica de collaboración anexa al Pautu Marcu) p'afalar la formación práutica del alumnáu del Máster Universitariu d'Economía: Instrumentos del Análisis Económicu.

Educación y Universidaes

- PAUTU pol que s'autoriza espediente de gastu pa financiar la convocatoria pública del Programa "Severo Ochoa" d'ayudes predoctorales pa la formación n'investigación y enseñanza nel añu 2012.

Bienestar Social ya Igualdá

- DECRETU pol que s'accepta la cesión de baldre en propiedá pol Conceyu de Cabranes de la planta primera del edificiu escolar de propiedá municipal de l'antigua escuela de Xiranes, con destín a la so axudicación como vivienda alitada pol Principáu d'Asturies.
- PAUTU pol que se suprimen les reserves del artículu 13.1 del Decretu 30/2003, de 30 d'abril, pol que se regula l'axudicación de viviendes alitaes pol Principáu d'Asturies, camudáu per Decretu 75/2004, de 24 de setiembre, no tocante a seis viviendes disponibles en Grau, destinándoos a los solicitantes ensin determin de porcentaxe de reserva.
- PAUTU pol que s'aprueba la llista d'axudicación, en reserva y esclusión d'ocho viviendes vacantes de promoción pública del Principáu d'Asturies nel conceyu de Tinéu.

- PAUTU pol que s'autoriza la resolución del contratu del serviciu de centru de día pa persones mayores dependientes y de tresporte pa les persones usuaries del mesmu nel Centru Social de Persones Mayores d'A Veiga.

Sanidá

- PAUTU pol que s'autoriza a desaprobá el paecer del Conseyu Consultivu na resolución del espediente de responsabilidá patrimonial como consecuencia del funcionamientu de los servicios sanitarios públicos n^u 2009/95.

Agroganadería y Recursos Autóctonos

- PAUTU pol que s'autoriza la soscripción d'un Pautu de collaboración col Colexu Oficial d'Albeitres del Principáu d'Asturies pa desendolcar actuaciones conxuntes nel ámbitu d'identificación d'animales y del Rexistru Informáticu Centralizáu.

- Mándase nota aparte sobre esti asuntu



Ampliación de pautos del Conseyu de Gobiernu

PRESIDENCIA

Condiciones de los elementos materiales que van emplegase nes eleiciones del 25 de marzu

El Conseyu de Gobiernu aprobó'l decretu pol que se regulen les condiciones de los elementos materiales que van emplegase nel procesu d'eleiciones a la Xunta Xeneral del Principáu d'Asturies que van celebrase'l 25 de marzu y onde l'Alministración del Principáu asume'l pesu total del desendolcu del procedimientu.

Los llocales, cabines y urnes van axuntar les carauterístiques xenerales establecíes nel Real Decretu 605/1999, de 16 d'abril, camudáu per Real Decretu 1382/2002, de 20 d'avientu. Nel casu de les urnes, van contar con tapa de color sepia.

No que cinca a les papeletes, sobres ya impresos que van emplegase nes Eleiciones van ellaborase a xeitu colo previsto na Llei del Principáu d'Asturies 14/1986 de 26 d'avientu. La ellaboración de les papeletes eleutorales va entamar inmediatamente dempués de la proclama de candidatos y candidates. Les primeres papeletes ellaboraas van entregase a la Delegación Provincial de la Oficina del Censu Eleitoral pa la xestión de les solicitúes del votu per corréu.

No que cinca al material que va repartir los grupos políticos, dientro de la campaña eleitoral, tanto los partíos políticos, como federaciones, coaliciones y agrupaciones eleutorales van poder imprimir y repartir ente los y les eleutores papeletes y sobres de votación que van axustase a lo dispuesto nesti decretu. Les papeletes nun van poder ufiertase, en casu dalu, nos colexos eleutorales el día en que se celebre la votación.

En tou casu, la Xunta Eleitoral del Principáu va comprobar que les papeletes y sobres de votación ellaboraas polos grupos políticos que se presenten a les eleiciones a la Xunta Xeneral del Principáu s'axusten al modelu oficialmente establecíu.

FACIENDA Y SECTOR PÚBLICU

Proyeutu de Decretu pol que se regula l'accesu a la Función Pública de l'Alministración del Principáu

El Conseyu aprobó'l Proyeutu de Decretu pol que se regula l'accesu a la Función Pública de l'Alministración del Principáu d'Asturies a la provisión de puestos de trabayu de les persones con discapacidá, col envís d'establecer midíes encaminaes a facer alitar l'accesu de les persones con discapacidá al emplegu públicu, a la provisión de puestos de trabayu y a la formación continua nel ámbitu de l'Alministración del Principáu.



Ye la primer midida normativa tomada nel ámbitu de l'Alministración rexonal empobinada específicamente a facer alitar l'accesu al Emplegu Públicu de les persones con discapacidá intelectual. Amás, la Llei prevé la so aplicación supletoria a toles Entidaes Llocales de la nuesa Comunidá. Son midíes encaminaes a facer alitar l'accesu de les persones con discapacidá intelectual al emplegu públicu, a la provisión de puestos de trabayu y a la formación nel ámbitu de l'Alministración del Principáu d'Asturies. L'aprobación del Decretu supón un impulsu de la integración social y profesional de les persones con discapacidá nel ámbitu de l'Alministración del Principáu d'Asturies y del so sector públicu.

El Decretu establez que nes Ufiertes añales d'Emplegu Públicu del Principáu d'Asturies va reservase un cupu non inferior al siete por cientu del total de places vacantes pa la so cobertura poles persones con discapacidá. Del mentáu cupu, lo menos un dos por cientu va reservase, esclusivamente, pa persones con discapacidá intelectual. Esti cupu va aplicase tanto nes convocatories de turnu llibre como nes de promoción interna en que participen los que yá seyan emplegaos públicos. La so omisión n'ufiertes d'emplegu anteriores fuera sancionada pol Tribunal Cimeru. Tamién se garantiza l'accesu de les persones con discapacidá, incluyida la discapacidá intelectual, a les llistes temporales d'emplegu de l'Alministración Rexonal.

Pa finir, les persones con discapacidá que participen en procesos selectivos convocaos pola Alministración del Principáu d'Asturies van poder solicitar l'adaptación de les distintes pruebes a les sos respeutives torgues. Amás, los aspirantes qu'accedan pel turnu de persones con discapacidá van gociar de preferencia al tiempu d'escoyer destín y afálase la participación d'estes persones nos cursos de formación qu'organice y dea l'Institutu Asturianu d'Alministración Pública "Adolfo Posada".

ECONOMÍA Y EMPLEGU

Formalización d'un protocolu ente l'Institutu Asturianu d'Estadística y la Universidá d'Uviéu

El Conseyu de Gobiernu dio'l preste a la formalización d'un Protocolu ente l'Institutu Asturianu d'Estadística y la Universidá d'Uviéu p'afalar la formación práutica del alumnáu del Máster Universitariu d'Economía: Instrumentos del Análisis Económicu.

La duración de les práutiques y el númberu d'alumnos que van poder faceles va marcarse conxuntamente pol Coordinador del Máster na Universidá d'Uviéu y pol Institutu Asturianu d'Estadística, acordies cola normativa y el plan d'estudios del Máster vixente. Esti Protocolu va tar vixente dende la so robla hasta la fin del cursu académicu 2011-2012, entendiéndose prorrogáu tácitamente polos sos socesivos cursos académicos nun siendo la so denuncia espresa per una de les partes.

EDUCACIÓN Y UNIVERSIDAES

3,3 millones d'euros p'ayudes a la formación n'investigación del programa "Severo Ochoa"

El Conseyu de Gobiernu aprobó un gastu de 3.300.000 euros pa financiar la convocatoria pública del Programa "Severo Ochoa" d'ayudes predoctorales pa la formación n'investigación y enseñanza nel añu 2012. Estes ayudes enmárquense dientro del Plan de Ciencia, Teunoloxía y Anovación d'Asturies que tien al so envís desendolcar toes aquelles aiciones que dean puxu a la investigación científica, el progresu teunolóxicu y l'actividá anovadora na rexón. Pa ello l'ameyoramientu del potencial humano ha ser ún de los oxetivos prioritarios nes polítiques empobinaes al desendolcu científicu, teunolóxicu y cultural.

BIENESTAR SOCIAL YA IGUALDÁ

Resolución del contratu de serviciu del Centru Social de Persones Mayores d'A Veiga

A propuesta de la Conseyería de Bienestar Social ya Igualdá'l Conseyu de Gobiernu pautó autorizar la resolución del contratu del serviciu de centru de día pa persones mayores dependientes y de tresporte pa les persones usuaries del mesmu nel Centru Social de Persones Mayores d'A Veiga. El mentáu contratu de serviciu axudicáralu la entós Conseyería de Bienestar Social y Vivienda'l 7 de marzu de 2011 a la empresa Atención Social y Estancies Residenciales d'Asturies. Por embargu, con fecha de 29 d'agostu de 2011, la Tesorería Xeneral de la Seguridá Social emite dilixencia d'embargu preventivu de bienes escontra la mentada empresa polos creitos pendientes de pagu o los que se xeneren no socesivo y ye la propia empresa la que, el 19 d'avientu de 2011, solicita la supresión del contratu de mutu u acuerdu ente les partes por razones ayeses a la so voluntá que van a la escontra del interés públicu. A la vista d'estos antecedentes y l'informe del Serviciu Xurídicu del Principáu d'Asturies, procedióse a pautar la resolución del contratu cola mentada empresa ensin que la Intervención Xeneral formulara reparu dalu nel so informe.

Per otra parte, el Conseyu de Gobiernu tamién aprobó la cesión de baldre en propiedá pol Conceyu de Cabranes, de la planta primera del edificiu escolar de propiedá municipal de l'antigua escuela de Xiranes, con destín a la so axudicación como vivienda alitada pol Principáu d'Asturies. Coles mesmes, el Conseyu aprobó la llista d'axudicación, reserva y esclusión d'ocho viviendes vacantes de promoción pública del Principáu d'Asturies nel conceyu de Tinéu. Tamién dio'l preste a la supresión de les reserves del decretu pol que se regula l'axudicación de viviendes alitaes pol Principáu d'Asturies no tocante a seis viviendes disponibles en Grau, destinándoos a los solicitantes ensin determináu de porcentaxes de reserva.

AGROGANADERÍA Y RECURSOS AUTÓCTONOS



Pautu de collaboración col Colexu d'Albeitres pa la identificación y rexistru d'animales

El Conseyu de Gobiernu autorizó la soscripción d'un Pautu de Collaboración col Colexu Oficial d'Albeitres del Principáu d'Asturies pa desendolcar actuaciones conxuntes nel ámbitu de la identificación d'animales y del Rexistru Informáticu Centralizáu.

La duración del Pautu que se propón ye indefinida dende la so robla, sacante denuncia espresa de cualquiera de les partes, que tendrá que formulase con antelación mínima de 6 meses. De la so robla nun van derivase gastos extraordinarios pal ICOVA, polo que la Consejería d'Agroganadería y Recursos Autóctonos nun va facer abonu dalu a la mentada Entidá. De resultes, la soscripción del Pautu tampoco implica gastos pa la Consejería.

